

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1206

原始資料: 蕭鎮國大德提供, 北美某大德提供

## No. 1206

### 佛說俱利伽羅大龍勝外道伏陀羅尼經

如是我聞。一時佛在王舍大城。爾時寶幢陀羅尼菩薩白佛言。俱利伽羅大龍。以何因緣吞飲利劍。及以四足被繞。佛告寶幢陀羅尼菩薩言。昔色究竟天魔醯首羅知勝城。無動明王與外道論。共致種種神變成智。時無動明王變成智火之劍。時有九十五種外道。其首人名智達。又成智火劍。時無動明王智火大劍。變成俱利伽羅大龍有四支。降三世軍陀利琰魔都伽金剛夜叉等四大明王也。頸王有蓮名智火含字俱利伽羅。高十萬由旬也。從口出氣如二萬億雷一時鳴。聞之外道魔王捨惡疑邪執。佛說陀羅尼曰。

曩謨悉底(二合)悉底(二合)蘇悉底(下同)悉底伽羅羅耶俱琰參摩摩悉利(二合)阿闍麼悉底娑婆呵

此呪威力除一切不詳降伏諸魔王。若有人靈氣惱。書姓名。以此呪誦三七遍。靈鬼忽然之間得焚燒。斷五辛酒肉。不染婦女穢執。一心誦此呪。一切所求決定得圓滿。不時樹令開華。四海成山妙高山王成海。此呪威力此呪功德也。焚冰如油凹心樹如水。一切皆隨心。猶如跋伽梵。故重說偈曰。

奉仕修行者	猶如跋伽梵
得三摩地上	與菩薩同位
俱利伽羅龍	稱念彼名字
現除怖魔障	後生安樂國

佛說此經。一切惡魔王九十五種大龍王。大歡喜信受奉行。

### 俱利伽羅龍王陀羅尼經(終)